

# Indhold

Saarloq	2
Ataatsimut aalajangersakkat	5
201-A1	8
201-B1	9
201-B2	10

## Saarloq

Saarloq Qaartumiit kujammut 19 km-inik ungasissulimmiippoq - 2016-imi 27-inik inoqarluni. Ukiut kingullit ingerlaneranni inui ikiliartuutigalutik agguaqatigiissillugu utoqqaliartorsimapput. Inuusuttut ilinniarniarlutik nunaqarfik qimakkaangamikku uterneq ajorput. Pissutsit allangornissaat iligimagineqanngilaq, taamaammallu massakkut innuttaasut utoqqaanerusullu pisariaqartitaat sammineqarnerussallutik.

Saarlumi nunaqarfimmi aqutsisut soqutigillualersimasaat tassaavoq nunaqarfimmi illut eriaqisassat atorneqarnerat. Taakku iluarsarneqarnissaat kissaatigineqarpoq, pingaartumik qutoqaaq ujaqqanik qarmagaq B-86. Qui Pilersuisup pigaa, kisianni 90-ikkunili atorneqarsimanani. Tassani atortutoqqanik assigiinngitsunik saqqummersitsiviusumik katersugaasivinnugualortoqarnissaa kissaatigineqarpoq.

### Inui illoqarnerlu

Inuit ukiut kingullit aqqaneq-marluk ingerlaneranni ikiliartorlutik 2004-mi 50-iniit 2016-imi 27-nut ikilissimapput, tassa affangaajaanik, aammalu innuttaasut ukiumikkut agguataarsimanagerat inuusutissarsiornerullu tunngaviit pequtugalugit ikiliartoruusaarnissaat naatsorsuutigineqarluni, inuuniarnikkut tunngaviusut pitsanngoriaateqanngippata.

2016-imi Saarlumi illut 29-iupput. Taakkunangga sisamat inoqanngillat. Massakkut illut amerlassusii ilaqutariit amerlassusiinut naammapput, amerlaqisulli nutarterneqartariaqalersimallutik. Illut aserfallassimaqisut ataasiakkaat ingutsertariaqarput nutaanillu taarserneqartariaqarlutik.

Agguaqatigiissillugu utoqqaliartuinnarmata utoqqaat angerlarsimaffii pisariaqartinneqassapput. Utoqqaat illuat pingasunik inissalik ulikkaarsimavoq, taamaammatt nunaqarfimmi utoqqarnut inissianik 2-3-inik sanasoqarnissaa kissaatigineqarpoq.

### Toqqortaqarneq

Eriagisassanik nalunaarsuiffimmi 1986-imeersumi Saarlumi illut eriaqisariallit sisamat nalunaarneqarsimapput. Taakku eqqissisimatitat tassaapput B-86, B-93 (Kat. 2) kiisalu eriaqisat B-87 aammalu B-88 (Kat. 3) Illut ajorsisimapput nutarterneqartariaqarlutillu naleqassusertik piginnassagunikku.

### Umiarsualivik inuusutissarsiornerlu

Saarlumi angallatinut angisuunut talittarfeqarpoq. Talittarfik 4 meterinik tallineqarsinnaavoq talittarfimmut qanittumi ikkannera pissutigalugu pajuttaatit tininngatillugu tulanniarnertik ajornartorsiutigisarmassuk. Namminersornerullutik Oqartussat alliliinissamut titartagartaqareerlugu pilersaarusiorsimagaluarpot.

Nunaqarfimmi Pilersuisoq pisiniarfeqarpoq.

Saarlumi inuusutissarsiutit pingaarnert tassaapput piniarneq aalisarnerlu. Nunaqarfik qangarsuarli tassaniilersimavoq puiseqarluartarami, arfeqarluartarami, timmiaaloqarluartarami aalisagaqarlualunilu. Taakku suli inuusutissarsiutaapput, pisallu nunaqarfimmi tunineqanngikkunik Eqalugaarsunni/Qaartumi tunisassiorfimmi tunineqartarlutik.

Saarlumi qangaanerusoq aalisakkeriveqarsimagaluarpot, 90-ikkulli aallartinneranni illutaat ima ajortigilerisimapput aalisakkeriviup atoqqinneqarnissaat akuerineqanngitsoorsimalluni.

Ukiuni qaangiuttuni Saarlumi arlaatigulluunniit aningaasaliisoqarsimangilaq - piniartut aalisartullu ilaatigut Eqalugaarsunnut nipisaat suaannik tusiartortarnissamik kaammattortarneqarneri eqqaassanngikkaanni.

### Sunnigiffik pisortallu sullissiveqarfii

Nunaqarfik atuarfeqarpoq, oqaluffeqarluni iliveqarfeqarlunilu. Sapaatit tamaasa naalagiarloqartarpoq Saarlormiullu naalagiarumatuujupput. Iliveqarfiup ungalui 2003-imi nutarterneqarput, piffissallu pilersaarusiorsiusup sinneranut inissaqarluni.

2015-imi nunaqarfimmi ataasiinnarmik atuortoqarmat atuarfik matuneqarpoq, meerarlu



pineqartoq atuartinneqartussaaitaammat angerlarsimafimmi atuartinneqartarpoq. Marlunnik pinnguartarfinnguaqarpoq allilerneqarnissaannik/pitsanngorsarneqarnissaannik kissaatigineqartunik.

Kommuni nunaqarfimmi sannaveqarsimagaluarpoq, 2010-imili anorersuarneratigut taanna ingiulissuarnit amuneqarpoq.

#### **Avatangiisit**

Eqqagassanut eqqaasarfeqarpoq, eqqaaviulli inissisimanera innaaqqissumi qunnermiimmat eqqakkanik inissiiniarneq umiarsuakkoortitsiniarnerlu ajornakusoorput.

Ikuallaaviliortoqarnissaa eqqarsaatigineqartarsimagaluarluni kisianni aningaasartassaartinneqartarsimangilaq. Tamatuma kingorna ikuallaavik aserfallassimavoq, ikuallaaviullu atortui kommunimi nunaqarfinni allani ikuallaavinnut kingoraartissamaatit atorneqartarput. Eqqagassat avatangiisunut ulorianaatillit immikkkoortiternissaat Qaqortumilu tigooqqaavimmu nassiinneqartarnissaat siunertaralugu aqqissuussisoqarnissaa sulissutigineqarpoq.

Saarlumi anartarfinnik imaarsisarneq eqqarsaatigalugu aqquserngit kuisisarfillu pitsaanngillat nutarterneqartariaqarlutillu.

Umiarsualiviup eqqaani orsussaasiveqarpoq.

#### **Angallannikkut pissutsit**

Saarlumi ujaraaqzanik qallikkanik aqqusineqarpoq kuisanillu tummeraqluni, taamaammat assakaasulinnik ingerlasoqarsinnaangilaq, qiterutaasalinnilli immikkut ittunik taamaallaat angalasoqarsinnaalluni.

Nunaqarfik angallatinut angisuunut atorsinnaasumik talittarfeqarpoq. Aammattaaq Saarlumi asseqqusaanngitsunik mikkiartortarfilimmik qangattartarfilimmillu qulimiguulinnut mittarfeqarpoq.

#### **Attaveqatigiinneq**

Nunaqarfimmi oqarasuaatilerittitoqarsinnaavoq. Internettimut attavilertinneq ajornanngilaq. Kikkulluunniit atorsinnaasaannik internetteqalernissaq nunaqarfimmiunit kissaatigineqarpoq.

#### **Innaallagiq, imeq, kiassarneq**

##### [Ilu sullivik teknikkikkullu atortorissaarutit uani takukkit](#)

Nunaqarfik 2009-10-mi aserfallatsaalisamik innaallagissiorfeqarpoq, piffissallu pilersaarusiortuup iluani innaallagissiorfiup ilaternissaa naatsorsuutigineqarani. Innaallagissap aqputai 2007-mi iluarsaanneqarnikuupput. Ingerlanneqarnera Nukissiorfinit akisussaaffigineqarpoq.

Imarmik tarajuaaneq (osmose) atorlugu imermik pilersuineq ingerlanneqarpoq. 2016-imi imarmik tarajuaavik nutarsarneqarpoq. Taarsiinermut tunngatillugu Nukissiorfinit maqitsivimmi tanki 3-miit 5 1.100 literimik imaqarsinnaanngortinneqarpoq, aasaanerani ilu imermik pilersuinerup nunaqarfiup kitaatungaanut annertusarneqarluni.

Tamatuma saniatigut maqitsivinnut allanut ruujorilersuilluni annertusaasinnaanissaq piareersaffigineqarpoq. Nunaqarfiup kitaatungaani imarmik milluaasoqartarpoq tarajuaavimmullu ingerlatinneqartarluni. Tassanngaaniit imeq tarajuiagaq imiisivinnut kangiatungaaniittunut ingerlanneqartarpoq.

Nunaqarfimmi illut namminerisamik kiassaatinut uuliatortunit kiassarneqarput.

#### **Nunaqarfimmi nalinginnaasut**

Qulimiguulinnut mittarfiup eqqaani aamma tanqeqlarfiup eqqaani sillimanissamat killeqarfiit ataqineqassapput.

#### **Saarlup ineriartortinneqarnissaanut iliuusissanik qinersineq**

Kommunimi Saarloq nunaqarfiit minnersaannut ilaavoq, ullumikkullu aalisarneq piniarneq kiffartuussinerillu pingaernerit eqqaassanngikkaanni inuussutissarsiornikkut allanik periarfissaqarani. Nunaqarfik ullumikkut ingerlavoq, siunissamilu allannguuteqarani ingerlaannassalluni. Nunaqarfiup Eqalugaarsunnut annerumaaqisumut qanittuunera aallaavigalugu inuussutissarsiornikkut tunngaviusinnaasut tassanngaaniit annertujaartumik aallaaveqassapput.

Nunaqarfiup pinngortitami asseqanngitsumi inissisimanera, tikikkuminarnera ullunillu ujaqqanik eriagisanik takusassaqarnera eqqarsaatigalugit takornariaqarnikkut annikinnerusumik

periarfissaqarpoq.

## Ataatsimut aalajangersakkat

Kommunimut pilersaarusiap immikkoortuani matumani "ataatsimut aalajangersakkat" qassiit suliarineqarsimapput, taakkulu Kommune Kujallermut tamarmut atuuttuupput taamaammallu "immikkoortortanut ataasiakkaanut aalajangersakkani" saqqummiuteqqinneqaratik. Ataatsimut aalajangersakkat kommunalbestyrelsip pilersaaruserneranut nunaminertanillu atuinermik aqutsinermut pituttuisuupput.

### 1. Aqquserngit

- A. Illoqarfinni asimilu aqquserngit pioreersut sananeqarumaartussallu eqqaanni aqquserngup qeqqaniit 7,5 meterit iluanni aqqusinilerinermut (iluarsaassinermut, aputaajaanermut il.il.) akornutaasinnaasunik sanaartortoqaranilu atortulersuisoqassanngilaq.
- B. Illoqarfinni aqquserngit minnerusut nunaqarfinnilu aqquserngit eqqaanni aqquserngup qeqqaniit 5 meterit iluanni aqqusinilerinermut (iluarsaassinermut, aputaajaanermut il.il.) akornutaasinnaasunik sanaartortoqaranilu atortulersuisoqassanngilaq.
- C. Kommunimut pilersaarummi aalajangersakkani sukumiinerusuni a. aamma b.-mi taaneqartuniit ungasinnerusumi sanaartornermut killiliussanik tamatigut aalajangersaasoqarsinnaavoq.

### 2. Biilit unittarfii

Nutaanik inissialiornermi, sullissiviliornermi (soorlu pisortat sullissiveqarfinni allanillu) aammalu inuussutissarsiorfiliornermi naammattunik biilinut unittarfiliortoqartassaaq. Kommunimut pilersaarummi sukumiisumik aalajangersakkatigut allanik aalajangersaasoqarsimatinnagu (illoqarfiup ilaanut pilersaarutini allanilu) makku minnerpaamik piumasaqaataasarpud.

- A. Ilaqutariinnut illuliani arlalinni inissianut marlunnut unittarfik ataaseq, aammalu
- B. Sullissiveqarfinni inuussutissarsiorfinnilu qulerilinnut 50 m<sup>2</sup>-mut unittarfik ataaseq
- C. Allanut immikkut ittumik atorneqartussanut pisariaqartitsineq naliliivigineqartassaaq

Biilit unittarfii nunaminertamik atugassanngortitsinermi allassimasassappud.

### 3. Nunaminertat atorneqanngitsut

Sumiiffiit ilaannut aalajangersakkani nunaminertat atorneqanngitsutut aalajangerneqareersimasut saniatigut nunaminertat siunertanut allanut atugassanngortinneqarsimanngitsut nunaminertat atorneqanngitsutut aqunneqassappud. Nunaminertat atorneqanngitsut atortulersuiffigineqassanngillat, toqqorsiviunatik torersuutinneqassallutillu.


### 4. Pinnguartarfiit

Arfinilinnit amerlanerusunik inissialtalinnik inissialortoqartillugu meeqqanut pinnguartarfiiltoqartassaaq.


### 5. Innarluutilinnit tikinneqarsinnaaneri

Aqquserngit, pisuinnaat aqputaat, illutat atortoqarfiillu allat kikkunnilluunniit orninneqarsinnaasut sananeqartillugit innarluutilinnit tikinneqarsinnaanissaat anguniarneqartassaaq.


### 6. Illut eqqissisitat

Illut atortoqarfiillu eqqissisitat (suussusii 1) Nunatta Katersugaasivia Toqqorsivialu akuersisimatinnagu piiarneqassanngillat, allanngortiterneqassanatik allatulluunniit allanngortinneqassanatik. Illut eqqissisitat allassimapput [uani](#).  [Fredede og bevaringsvaerdige huse.pdf](#) (93.4 KB)

## 7. Illut eqqissittarisassat

Illut atortoqarfiillu eqqissittarisassat (suussusii 2) kommunalbestyrelsi akuersisimatinnagu piiarneqassanngillat, allanngortiterneqassanatik silatimikkulluunniit allanngortinneqassanatik. Nunatta Katersugaasivia Toqqorsivialu oqaaseqaateqartinneqartassapput. Ullut taakku eqqissisinneqarsinnaanerit siunertaralugu kommunalbestyrelsi naliliisassaaq. Illut eqqissittarisassat allassimapput [uani](#).  [Fredede og bevaringsvaerdige huse.pdf](#) (93.4 KB)

## 8. Illut eriagissassat

Illut atortoqarfiillu eriagissassat (suussusii 3) sapinngisamik allanngutsaaliorneqassapput allannguutissatullu qinnuteqaatigineqartunut kommunalbestyrelsi piumasaqaateqarsinnaavoq illup eriagisariaqassutsi pigiinnarniassammagu. Illut eriagissassat allassimapput [uani](#).  [Fredede og bevaringsvaerdige huse.pdf](#) (93.4 KB)

## 9. Illut peerneqariaannaat

Illu ima ajortissimatigiguni allanut navianartorsiortitsisinnaalluni, imalunniit qimanneqarsimaguni aammalu nunaminertamik atugassanngortitsinermit siunertaasutut atorneqarunnaarsimaguni inatsisinut naapertuuttunngortinneqassaaq (iluarsarneqarluni/atorneqalerluni imaluunniit ingutserneqarluni).

## 10. Illoqarfinni nunaqarfinnilu pilersuiviit

Tamatumunnga periarfissaqarnera oqaatigineqarsimappat ajornanngippallu nutaamik sanaartorfiit innaallagissamut, imermut kuuffinnullu kikkunnit tamanit atugassianut aqquuserneqarnissaat qularnaarneqassaaq.

Kuuffinnut kikkunnut tamanut atugassianut attavilernissaq ajornarpat imermik errortuutikumik anartarfinneersunillu eqterivissamik tankiliortoqarnissaa imaluunniit avatangiisit pillugit aalajangersakkat qaqugukkulluunniit atuuttut aammalu errortuutikup anartarfiillu imaarneqartarneri pillugit malittarisassat naapertorlugit erngup igitassap suliarineqarnissaannik Kommunalbestyrelsi piumasaqaateqarsinnaavoq.

Imeq nunap qaatigoortoq, aamma qalianeersoq, eqqakkanut kuuffinnut tamanit atugassianut ingerlatinneqartassanngilaq, kisiannili eqqaamiorisat illuinut, aqqusinernut, pisuinnaat aqquataannut aammalu illuliorfiusimanningsunut akornutaasussaajunnaarlugu ingerlaartinneqartassalluni.

Erngup, innaallagissap kuuffiillu aqquataat, tv-kabelit assigisaallu ajornartinnagu nunap iluatigoortinneqartassapput.

Pissutsit immikkut ittut pissutigalugit pisariaqalinngippat pilersuinermit aqquutit qarsullugit sanaartortoqassanngilaq qajanaaqquersuisoqassaniluunniit.

## 11. Asimi pilersuinermit atortorissaarutit

Eqqagassat imerpalasuunngitsut asimi sanaartornermeersut piginnittumit ikuallanneqanngikkunik aallarunneqassapput. Ikuallanneqarnerat illulianut pinngortitamulluunniit eqqaaniittumut navianartorsiortitsissanngilaq imaluunniit allanut akornutaassanani.

Arnartarfinnut anartarfiit spandii/puusiat, imaanut kuineqartussat, assaanneqartussat, asiutinneqartussat allatulluunniit allanut akornutaanngitsumik avatangiisinullu ajoqutaanngitsumik iginneqarsinnaasut atorneqassapput.

Illut pioreersut kuiasakkanik anartarfillit eqqarsaatigalugit piginnittup imeq atornikoq allanut avatangiisinullu ajoqutaanngitsumik igittassavaa.

Innaallagissiutunik atuineq sapinngisamik allanut ajoqutaannginnerpaamik pisassaaq. Asimi illuni atugassanik nukissiorneq seqinermit nukiusutit pinngortitamiillu nukissiutit allat atorlugit pisassasoq kaammattuutigineqarpoq.

## **12. Containerit**

Containerit ineqarfiusuni (A) aammalu qitiusoqarfinni (C) ataavartumik inissisimatinneqarnissaat akuerineqanngilaq. Containerit qalliutaannut, qalipaataannut atorneqartarnerannut kiisalu inissinneqarfigisaminni tulluarsarneqarnissaannut piumasaqaateqarsimatillugu immikkut ittunik akuersissuteqartoqarsinnaavoq.

## **13. Angallatinik inissiineq**

Ukiuunerani angallatinik inissiinermut akuersissuteqartoqarsinnaavoq angallammik piginnittup illutaata eqqaanut (piginneqatigiiffiuppat attartortittagaappalliuunniit piginneqatigiit / piginnittut akuersineratigut), suliffeqarfiup angallataatillup attuumassuteqarfigisaata eqqaanut imaluunniit kommunip angallatinik inissiivissatut immikkoortitaanut.

## 201-A1



### Killiffik

Akuerisaq

### Immikkoortortaq

Nunaannaq

### Sumiiffik - illoqarfik / nunaqarfik

Saarloq

### Siunertaq

Ineqarnermut tunngasut

### Atorneqarnissaa

Angerlarsimaffiit kiisalu pilersuinermit atortorissaaruteqarfiit assigiinngitsut kiisalu sanaartukkat ataatsimut atugassiat, aammalu suliffeqarfiit mingutsitsisuuqngitsut.

### Pissutsit atuuttut

Tamaaniippot atuarfik, niuertarfik, oqaluffik, arsaattarfik, illu sullivik aammalu nakorsiartarfik.

### Inissaq sinneruttoq

Angerlarsimaffinnut 54-inut inissaqarpoq.

### Sanaartorfik

Illut nutaat sananeqaatimikkut, qaliamikkut uinganerisigut, sammivimmikkut qalipaasersugaanermikkullu illunut pioreersunut tulluarsarneqassapput.

### Nunaminertat sanaartorfiunngitsut

Illut akornini nunaminertat atorneqanngitsut pissusitoqqamissut itsiinnarneqassapput, kisiannili naatsiiviliornissaq pisarialinnillu ilioqqaanissaq kommunalbestyrelsimit akuerineqarsinnaapput.

### Sanaartukkanik pioreersunik avatangiisiannillu allanngutsaaliuineq

Kirken B108 er bevaringsværdig kategori 3



## 201-B1



### Killiffik

Akuerisaq

### Immikkoortortaq

Nunaannaq

### Sumiiffik - illoqarfik / nunaqarfik

Saarloq

### Siunertaq

Inuutissarsiuteqarfiit umiarsualiveqarfillu

### Atorneqarnissaa

Umiarsualivik, niuertarfik inuussutissarsiorfillu

### Pissutsit atuuttut

Talittarfik, niuertarfik aammalu aalisakkerivik (2016-imi ngerlangitsoq) tamaaniipput.

### Inissaq sinneruttoq

Nuna tamanna 0,7 ha missaannik annertussuseqarpoq tamakkerlunilu sanaartorfigineqarsimalluni.

### Sanaartorfik

Nutaaliortoqassappat toqqavikuni taamaallaat sanasoqarsinnaavoq pioreersunilluunniit alliliisoqarsinnaalluni. Illut nutaat sananeqaatimikkut, qaliamikkut uinganerisigut, sammivimmikkut qalipaasersugaanermikkullu illunut pioreersunut tulluarsarneqassapput.

### Sanaartukkanik pioreersunik avatangiisiannillu allanngutsaaliuineq

Illut sisamat eriagisassaapput, kategori 2-mi: B-86 aamma B-93-mi

## 201-B2



**Killiffik**  
Akuerisaq

**Immikkoortortaq**  
Nunaannaq

**Sumiiffik - illoqarfik / nunaqarfik**  
Saarloq

**Siunertaq**  
Teknikkikkut atortorissaaruteqarfik

**Atorneqarnissaa**  
Illoqarfiup ilaa tamanna orsussaavissuarnut sulianullu tassunga attuumassuteqartunut allanut immikkut naatsorsuussaavoq.

**Pissutsit atuuttut**  
Illoqarfiup ilaa tamanna orsussaavissuarnut sulianullu tassunga attuumassuteqartunut allanut immikkut naatsorsuussaavoq.

**Sanaartorfik**  
Illoqarfiup ilaa tamanna orsussaavissuarnut sulianullu tassunga attuumassuteqartunut allanut immikkut naatsorsuussaavoq.

**Immikkut aalajangersaaffigisat**  
Intet at bemærke.???